

松前侯新製大砲記



寬政元年己酉夏五月松前東北屈捺矢律島
蝦夷作亂島去松前三千里 松前侯遣其麾
下士數十人率兵往伐之秋九月蝦夷首惡三
十人就刑而其近島諸酋長不從亂者皆來朝
於松前亂於是始平始蝦夷常與惡魯識亞互
市惡魯識亞蓋女直之種類也而距松前東北
可萬里是以蝦夷與之相遠者不得親互市而
彼島夷遞為相轉易又以與我互市我船與賈
者近則得貨寡遠則多然而其島夷未朝服於
松前者我賈船畏不敢往故不得親互市而彼
以其得貨之多寡與我同是以朝服年滋多來
而我船亦年益遠市今遂以致及三千里之外
而其地則生熟夷雜焉而惡魯識亞之船亦時
至其地也大抵惡魯識亞勇悍多智而又多武
器之巧蝦夷樸魯而所長惟小弓發毒箭而已
是以當屈捺矢律未靖之時松前之民傳訛言
曰屈捺矢律與惡魯識亞合將導其兵以襲我